

奩

史

舊史卷十七

東吳王初桐于陽篋述

津門吳人驥念湖校刊

眷屬門四

姑婦

漢廣川王爲幸姬陶望卿作歌云背尊章尊章猶言

舅姑今關中呼舅姑爲鐘鐘者章聲之轉

天香樓偶得

玉篇夫之父母曰嫜杜詩乃云拜姑嫜何耶

侯鑄錄

婦稱公曰阿翁稱姑曰阿家

羣碎錄 野客叢書 范蔚宗妻云阿家莫憶

江浙婦人謂舅爲官謂姑爲家

南唐書注

舅姑在于他國者婦以名紙遠申參奉之儀近代皆以絹袋緘之至於婦來面謁舅姑合申投刺之禮不宜表以絹囊

李氏刊誤

北間風俗婦呼舅爲大人

顏氏家訓

張說女嫁盧氏女常爲其舅求官說不語但指指牀龜示之歸告其夫曰舅得詹事矣

何氏語林

崔樞夫人是李西平女西平生日大宴有小婢附崔夫人耳語王問何事夫人言大家昨夜小不安適使人往候王怒曰豈有阿家體候不安不檢校湯藥而與父作生日遽遣走語林

李晟正歲崔氏女歸寧責曰爾有家而姑在堂好當
治酒食具以供賓客却之不得進冬夜箋記

漢律婦告威姑威姑姑也婦稱姑爲威姑說文長箋

鄭義宗妻盧氏事姑孝嘗有盜夜入家盧目白刃往
至姑室爲賊捶擊幾死賊去家人問何不懼答曰姑
也而可委棄乎萬一危禍豈宜獨生舊唐書

方京字彩林金縷室示長媳楊珊珊詩云十年爲婦
蓼莪餘蔬水家風樂自如宛似舉場勤苦士粧成惟
對古人書珊珊字佩聲番禺新志

宋理宗時潭州李屠妻博通經史自教其子應龍讀

書李屠常加咄咄應龍年十七請舉屠不許妻密與錢令行三日至某村日暮無旅店見一大宅問爲鄭通判家遂入求宿有老門子入覆太安人太安人曰旣是赴省官人請入書齋宿太安人一見應龍詳問姓名盛設酒饌終坐視口中常作咄咄怪聲應龍莫曉酒罷出齋帷帳甚整次早送關子一千貫囑曰回途千萬再來應龍中第授澧州教授回途復至太安人家款延數日曰官人酷似亡兒吾兒仕廣州通判任滿罷歸全家爲寇所殺惟老身在家免死耳吾家薄有田產雖立宗人子爲後今見官人如再見吾兒

令人不能捨若能來此當分家產一半相與應龍辭
有父母曰可與父母俱來應龍姑諾之太安人痛哭
而別應龍到家李屠偶出亟以告母母垂淚曰是卽
汝祖母也汝父全家爲寇所殺惟留我在時汝在我
腹中五月餘矣今日之父卽寇也應龍大感痛往告
制置密遣人取太安人來乃以應龍新除并請其父
母會宴母至入內見太安人相對大哭且喜以李屠
付獄推勘具得其情籍其家而戮之令其母子與太
安人俱歸仍申朝爲應龍改姓鄭氏

江湖紀聞 袁
堅翁志所載趙

安人事與此相同

莊子婦姑勃谿勃谿鬭爭也

楊慎六書索隱

婦姑鬭諍取石重六十斤埋門外卽罷

雜五行志

趙鳳女適馮道之子爲道夫人詆罵趙令婢來訴道
不答及去但云傳語親家翁今日好雪

蘇氏開談錄

孟子娶婦入室其婦袒而在內孟子不悅還去不入
婦辭孟母求去曰妾聞夫婦之道私室不與焉今妾
竊情在室而夫子見妾勃然不悅是客妾也請歸于
父母姑召子謂之曰禮將上堂聲必揚所以戒人將
入戶視必下恐見人之過今子不察于禮而責於妻
不亦遠乎孟子遂留其婦謝之

列女傳

鄧元義妻李爲姑所憎閉置空室羸瘠日困然終無
怨色舅憐之遣歸更嫁其子朗得母書不答與衣醜
焚之母乃至親家李氏堂上以他辭召朗語之曰我
爲汝家棄幾死聞而父語人云家夫人遇之實酷本
自相負夫憐猶舅汝意云何我何負姑棄兒又棄耶
遂絕

汝南記

唐氏女適朱姓夫早卒姑與富商通見婦貌悅之密
以金賂姑姑誨婦與淫弗聽廼之弗從杖之至加炮
烙終拒焉姑以不孝訟於郡郡亦以商人賂加婦以
法觀者咸寬之欲婦言其故婦曰若爾妾幸全無如

陷姑以惡何遂死于梅樹下

釋史彙編

張貞女嫁汪客子客妻汪姬多與人私諸惡少往往相攔入姬家飲酒及客子娶婦姬令徧拜之貞女不肯一日姬與惡少同浴呼婦提湯見男子驚走姬遂百端凌辱之惡少中有胡巖最桀黠乃與姬謀遣其子入縣書獄巖等登樓縱飲因共呼貞女貞女不應巖從後攫其金梭貞女折梭擲地姬以已梭與之又折其梭頃之巖徑入犯貞女貞女大呼殺人以杵擊巖巖怒走出貞女自投于地哭聲竟夜不絕巖與姬恐事泄禁諸床足椎斧交下斃焉鄰里報官諸惡少

以次受刑，嫗死于獄。

歸太僕集

耿志染病月餘，其媳侍奉湯藥，旦夕惟謹。翁病尋愈，姑疑翁之有私於媳也。夜乘子出，戴翁帽，服徑至媳卧榻，調之。媳大詬罵，剗破其面。遂披衣徒步還家，訴諸父母。潛自縊死。詰旦，父至婿家，翁儼然出迎，而面無損。父大駭，密語曰：「吾女昨暮歸，言翁之不仁，破其面，已自縊死。而翁面無傷，何也？」翁沉吟曰：「怪予婦之稱疾不起也。至榻呼之，則以被蒙頭而拒。翁翁挽之起，面無完膚矣。」訟之官，竟死于獄。

資塵新聞

爾雅婦謂夫之庶母爲少姑。

朱子語錄

陝婦婺居事叔姑甚謹叔姑死女誣殺其母有司誅
之境內三年不雨太守祭其墓大雨項氏六帖野
客叢書東海孝

婦與此同

徐幼芬與叔姑季靜姨夫人造有唱和詩觀初集

古樂府所述三婦是對舅姑之稱末云丈人且安坐
調絃未遽央古者婦事舅姑與兒女無異顏氏家訓

班昭年七十餘卒所著賦頌銘誄書論疏令凡十六
篇子婦丁氏爲譔集之又作大家讚蘇氏家語

禮修趙嵩妻張氏女也姑酷惡遇之不以禮修終無
愠色姑卒感悟更慈愛之後姑病女來省疾姑却之

曰我死固當絕於賢婦手中

漢中士女志

盜有欲犯樂羊子妻者乃先刳其姑妻問操刀而出盜曰從我可全不從則殺姑妻遂自刎盜亦不殺其姑太守聞而禮葬之曰貞義

後漢書

長孫姬無齒其婦唐氏每日乳姑姑疾篤宣言曰我無以報新婦恩但願汝婦如予婦孝也

女世說

魏徵寢疾上領幼女曰卿強開眼認取新婦

芝田錄

女子何侍爲許遠妻侍父何陽從遠假求不悉如意陽數罵晉遠謂侍汝翁復罵吾必揣之侍曰共作夫婦奈何相辱揣我翁者搏若母矣其後陽復罵遠遂

揣之侍因上堂搏姑

風俗通

有婦性很戾教其夫殺母夫即用婦語將母至曠野將欲加害忽霹靂殺其兒母即還家婦謂是夫迎問殺未姑言霹靂殺之矣

禮實裁經

羅鬼之俗新婦見舅姑裸而進盟謂之奉堂

尚書釋名

青徐人稱長婦曰稹制豫人稱長婦曰熟

釋名

粵中謂新婦曰心抱

風俗通

女子胡貴真生時父母欲不舉有曾母收為養媳甫

長女父奪為富家配女遂縊死

江西通志

查史卷十七

舊史卷十八

東吳王初桐于陽臺述

興化任大椿子田校刊

眷屬門五

娣姒姑嫂叔嫂弟婦

世疑娣姒之名皆以兄妻呼弟婦爲娣弟妻呼兄妻爲姒公羊傳曰娣者弟也以弟解娣自然以長解姒長謂身之年長非夫之年長也左傳穆姜謂聲伯之母爲姒叔向之嫂謂叔向之妻爲姒二者皆呼夫弟之妻爲姒豈計夫之長幼乎

爾雅邢昺疏

前漢郊祀志長陵女子以乳死見神于先後宛若孟
康曰兄弟妻相先後師古曰古謂之姊姒今閭中呼
爲先後吳楚呼爲妯娒天香樓偶得

古者稱姒亦曰嫂張負以女孫事陳平戒曰汝事兄
伯當如父事嫂當如母金瓶子

呂氏舊俗母母受嬌嬌房婢拜嬌嬌見母母房婢跪
卽答拜母母呼嬌嬌房婢並斥其名嬌嬌呼母母房
婢稍老成親近者則並以姐稱之紫微雜記

王昶娶鍾氏女其弟湛娶郝氏女鍾郝爲姊姒雅相
親重東海家內則郝夫人之法京陵家內範鍾夫人

之禮 世說新語

唐高宗太后以薛顗妻蕭氏薛緒妻成氏非貴族欲出之曰我女豈可與田舍女爲妯娌邪 通鑑

竇尚書夫人孔氏性嚴右丞夫人傾背卽一房列五榻自孔夫人而下五房妯娌皆同寢處 丁晉公談錄

李光進弟光顏先娶而母委以家事及光進娶母已亡弟婦封貲貯納管籥於妯娌光進命返之曰娣違事姑且嘗命主家事不可改 指記室

崔休長子聘盧尚之長女又爲次子求其次女曰欲令姊妹妯娌尚之感其義同日成婚 焦隱雜錄

郭逸有二女長女妻崔浩次女復妻其弟詩曰兄弟
婚姻無胥遠矣

是菴日記

朱溫先與朱瑾結兄弟好後起兵相攻破瑾納其妻
以歸溫婦張氏迎於封邱瑾妻再拜張亦拜悽然泣
下曰充郗與司空同姓之國昆仲間以小故興干戈
而使吾奴至此若不幸汴州失守妾亦如此矣言已
又泣溫感動送瑾妻爲尼

女世說

妻稱夫之姊妹曰姑古人直稱嫂妹漢書敬武長公
主曰嫂何與取妹曹大家女誠亦稱嫂妹

金瓶子

弟婦稱夫之婦曰女姑

搜採異聞錄

班昭女妹曹豐生亦有才惠女妹昭壻之妹也

漢傳

夫之女弟爲女妹亦曰小姑

廣修詞指南

魏甄夫人中兄儼早亡母性嚴待諸婦有常夫人在家時常諫曰嫂年少守節待之當如婦愛之當如女母感其言爲流涕

閨閣語林

鄒娛前母生一子娶妻荆氏爲娛母所惡飲食不給娛私以已食繼之母責娛娛跽而泣曰女他日不爲人婦耶有姑若是吾母樂乎奈何令嫂氏二親日蹙憂女之眉耶其母亦稍止

女世說補

尹紉榮嫁劉晉仲與晉仲妹文玉相訓和

山樵暇語

周聞妻方氏幼能文聞有妹庚亦知書姑嫂常相酬
答有美繡集行於世

莆田人物志

成化初上元民女張妙清與兄嫂陳氏居壁相連一
日兄與嫂狎女窺見心動俟兄出呼嫂同寢問狀且
效爲之遂有孕其夫家以聞於官驗之仍是處女及
生子女令嫂育之女仍歸夫

耳談

庶女齊之少寡婦也無子不嫁事姑謹敬姑女利母
財殺母以誣寡婦婦冤結叫天天爲作雷電下擊景
公之臺

淮南子

謝朓總角時新病起體未堪勞偶在叔安坐與林道

人講論遂至相苦母王夫人壁後聽之再遣信令還而安留之王夫人因自出云新婦少遭家難一生所寄惟在此兒因流涕抱兒歸安語同坐曰家嫂辭情慷慨致可傳述

閩閩語林

顏舍事嫂繁氏甚謹嫂病困須得蚶蚶膽爲藥俄而青鴻飛至得膽藥成嫂病卽愈

晉中興書

孫棘母臨亡以小兒薩屬棘特深友愛大明五年募軍後期棘薩爭死妻許氏遙屬棘曰君當門戶豈可委罪小郎且大家臨終以小郎屬君竟未有子息君已二兒死復何恨

宋躬孝子傳

邱旭家貧無進取意秋試將過寡嫂劉氏敬問行期
旭以匱乏告嫂曰若得小郎晝錦雖孤兒可鬻餘非
所惜也罄囊遺之登第一

女世說

章氏昆弟皆無子其兄先抱育族人子未幾得一子
弟因乞兄所抱者嫂曰未有子而抱之甫得子而棄
之人謂我何弟請不已嫂曰必不得已寧以吾新生
與之

海涵萬象錄

陳平嫂嫉平不視家產曰有叔如此不如無

史記

王衍妻郭氏性貪鄙令婢於路擔糞衍弟澄諫之郭
大怒曰昔夫人臨終以小郎囑新婦不以新婦囑小

郎因捉其衣裾欲杖之澄踰牕而走

世說新語

汝敦兄弟共居有父母時財物嫂心欲得之敦妻勸敦盡讓田宅奴婢與兄弟出別居敦後耕田得金器妻勸送與兄夫妻共往嫂性嗇見金器又欲留之兄因感悟卽去妻

華陽國志

漢書有邱嫂應劭曰邱氏女也孟康曰邱空也兄亡空有嫂也晉灼曰邱大也大嫂長嫂也

雨漢筆記

有豪家造樓占踰其婆嫂地基婆婦吞聲忍氣旦夕焚香額天一夜雷電風雨移其樓空其地以歸婆婦不失尺寸

瑱綴錄

澆淫通其嫂女岐少康滅澆得女岐斬之

路史

婦呼夫之兄爲伯見陳平傳又爾雅婦稱夫之兄爲

兄公又玉篇公字音鍾注云夫之兄也

容齋隨筆

婦稱夫之兄曰兄公逸雅竟稱曰公

雲谷卧餘

李濤弟澣娶婦竇氏出蔡濤答拜澣曰新婦蔡阿伯

豈有答禮

五代史補

呂汲公在相位其兄進伯自外郡還坐東府堂上夫人自廊下階趨參以二婢掖侍而前進伯遽曰宰相夫人不須拜汲公解其意叱二婢使去而夫人獨拜於赤日中盡禮而退進伯略不顧勞

謝燕常談

朱明與弟同居弟妻欲棄兄異室明以金帛盡給與弟惟餘空宅忽一夕狂風驟雨悉吹財帛還歸明宅弟與妻羞見鄉里自盡明乃舍宅爲寺

吳地記

姑蘇馮氏兄弟三人甚相愛其季娶婦未逾年輒詆其夫使分異夫怒曰吾家同居三世矣汝欲敗吾素業耶婦乃不復言其仲每對親戚切齒謂此婦必破吾家一日其婦向夫悲泣求去詰之不答固問之始收淚曰妾父母以君家兄弟篤於友義故以妾歸君今仲常欲私我我不敢從每恚怒欲令君逐妾向勸君別居其實慮此使妾不幸爲仲所污縱君舍取能

忍妾亦何面目以見親戚乎因泣不止季怒遂逼其兄析居而孝友衰焉

虛谷問抄

唐太宗寵巢王妃是妻弟婦也

孔氏雜說

汜固推家財百萬與寡弟婦

敬煌新錄

親戚

周季貞班昭姊之子也喪婦作問神其姨難之

三輔決錄

武后姊韓國夫人早寡出入禁中一女國妹帝皆寵

之韓國卒女封魏國夫人后忌甚遂誅殺之

唐書

狄梁公爲相有姨盧氏居午橋姨生一子未嘗來都城公因休沐候姨安否因問表弟有何樂願悉力從

其欲姨曰相爾自貴耳吾止有一子不欲令事女主
公大慙而退公忠雜錄 稗史彙編曰狄文惠姚興
姚公靖姊正復相似姚姊云安有作和
尚不了是好人者

元微之作姨母鄭氏墓銘蓋鄭濟女崔鵬妻也崔氏
譜同白樂天作元微之母鄭氏誌亦言鄭濟女則鶯
鶯乃崔鵬之女於微之爲中表兄妹傳奇鶯鶯事特
托張生以避就耳傳奇辨正

彭伉妻湛賁之姨母也伉舉進士賀宴皆官人名流
湛至命飯於後閣湛無難色姨母賁之湛感其言孜
孜學業未數歲登第宜春傳信錄

高祖生而皇妣殂無由得乳高祖從母乳之

宋史

山谷姨母李氏崇德君善墨竹

山谷集

俗云姨娘懷裡聞得娘香元裕之哭姨母西君詩姨

娘懷裡阿娘香

書影

符承祖用事親姻爭附其姨母楊氏謂姊曰姊雖有

一時之榮不若妹有無憂之樂姊與之衣服多不受

承祖遣人迎之厲志不起強舉車上則大哭言爾欲

殺我由是符氏內外皆號癡姨後獨不及禍

女世說

袁聿修爲姨丈人所賞蓋今之姨夫也

名句交身表異錄

女伶謝阿蠻善舞元宗令按新曲時貴妃女弟泰國

夫人端坐觀之曲罷上戲曰阿瞞樂籍今日幸得供
奉夫人請一纏頭秦國曰豈有大唐天子阿姨無錢
用耶遂出三百萬爲一局焉

楊妃外傳

崔繪妻盧氏美而寡歸父母家適女兄嫁李思冲亦
天時思冲爲工部侍郎請於武后求氏爲繼室勅許
之氏不可曰吾栢舟人砥詎肯覩上別船且非他人
而姊夫羞哉其以雁行作魚貫也寧沒官家爲婢耳
遂鰓面斷髮逃還繪舍武后亦不奪

女世說補

古杭趙妻黎氏攜二女觀燈叢雜中少女爲惡少掠
去賁臨清擅長青樓號賽濤以詞翰能賽薛濤也長

女歸周子文子文爲吏赴京過臨清見賽濤貌肖其妻因宿焉詰之告其故訟之官攜歸父母卽以賽濤歸子文有曲江鶯囀集皆賽濤詩詞也

據道新說

虞鳳娘姊嫁徐明輝而卒明輝聞鳳娘賢懇其父欲聘爲繼室女泣謂父母曰兄弟未嘗同妻卽姊妹可知父執不聽女絕口不言自經死

義烏人物志

方梧坡之父無子偶妻之妹來省其姊私之有娠妻乃爲作產簿狀生梧坡厚貲裝以嫁其妹

雪丹雜語

兖州有贅婿與妻妹私通事露二人曰吾當共詣岱嶺質諸神如果有私願受誅巫祝訖下山各以爲謾

歘而已神固何知行至山半趨林薄僻處行淫焉火而不歸家人覓之則皆死矣而其二陰根交接粘着不解蓋神譴之以示歘也

浮物

庾翼婦母阮與女上安陵城樓阮語女聞庾郎能騎何由得見婦告翼翼便於道盤馬

世說 庾氏諸曰翼妻字靜女劉氏

譜曰綬妻字幼娥即阮也

椰子厚有祭獨孤氏丈母文稱妻母也若韓滉稱劉元佐母爲丈母是又爲女人尊者之通稱

柳南隨筆

張延賞選婿無可意者其妻苗夫人賢而知人特選韋臯曰此人貴鮮儔遂妻之臯性疎曠不拘細行延

賞竊悔由是輕慢之惟夫人待之益厚臯因辭東遊
張氏罄奩具以治行延賞幸其去以七駄物爲盡臯
行翌日悉還之惟留奩物及書冊而已後五年臯擁
節旄會德宗幸奉天持節西川替延賞乃改姓名作
韓翃人莫敢言至大回驛去府三十里人有報曰替
相公者韋臯非韓翃夫人苗氏曰必韋郎也延賞曰
天下姓名同者甚衆彼韋生必填溝壑豈能乘吾位
乎及入州方知不誤延賞慚懼自西門潛逃臯入見
夫人禮奉過布衣之日

唐宋遺史

章淳父俞早歲無行妻母楊氏早寡俞與之通已而

生子卽淳也紹聖中爲相所謂燕國夫人獨處而無

耐者卽楊氏也

揮塵餘話

丈母裴松之三國志注已有此稱

香祖筆記

丈母爲秦水

神仙傳

蔡經家說曰俗呼妻父爲岳

水何耶

丈以秦山有丈人峰也而呼妻母爲秦

楚稱妻母曰母娣

揚子

岳母曰娣

臨潼縣志

舅之子爲內兄弟姑之子爲外兄弟今人以妻兄弟

爲內兄弟蓋沿李獻吉之誤

柳南隨筆

爾雅妻之舅弟曰甥今無此稱

香祖筆記

楊后母趙氏早卒依舅家舅母愛乳之

晉書

姪字舅母二字合呼也

明道雜誌

鄧攸娶一妾甚寵愛歷年後詢其所由妾具說父母

姓名乃攸之甥女也攸哀恨

世說新語

范陽盧子夢至崔家娘子姓盧乃盧子再從姑也姑

以外甥女鄭氏與盧子成婚

夢遊錄

歐公甥女適張氏夫死攜孤女歸父家嫁公族子晟
晟之官至宿州赴郡晏歸而失其舟至京師捕得之
開封府勘乃稍人與晟妾通妻知而欲笞之反爲妾
誘并與稍人通府尹不當路風旨令張氏引公以自

解獄奏仁宗大駭遣中使王昭明監勘而張氏反異
公遂得明白猶坐以張氏匿具買田作歐陽戶名出
知滁州 行營雜錄

劉表欲以妻妹蔡氏女妻桓楷楷不受 三國志

徐司寇以女內姪字王協一盛奩嫁焉 觚賸

陳潔字澣心歸屠氏有題外姪女屠瑤芳像詞 林下詞選

女師爲戊姆 漢書注

馮淑安字靜君夫死爲女師以自給 大名府志

黃媛介適楊元勳夫婦偕游江湖爲閨塾師以終有

湖上草 構李詩藁

慈溪姚母能詩出外爲女傅某相國以千金聘教女
公子

隨園詩話

舊史卷十九

東吳王初桐于陽臺述

曲阿劉奎年雲石校刊

妾婢門一

妾

邵文莊云妾有媵有卜卜而妾者不待六禮故謂之奔按天文有織女主貴女須女主賤女貴女嫡也賤女諸侯之副宮九媵大夫之側室三婦也禮所謂買妾奔則爲妾皆不備禮之謂也說文妾字從辛女之有罪者爲人妾此秦法非周制周禮有女奚之條乃

劉歆附會以欺王莽者殆不可信妾字從辛亦秦篆

非古篆也 丹鉛總錄

漢魏故事妾見夫人夫人不荅拜摯虞曰妾事女君

如婦事姑宜不荅拜 晉書

桀死于饒粥妻桀之眾妾 括地圖

管氏有三歸娶三姓女爲妾因爲臺以居之 古史考

管仲妾名靖桓公使管仲迎甯戚戚曰浩浩乎白水

管仲不知所謂靖曰古有白水之詩曰浩浩白水條

條之魚君來召我我將安居國家未定從我焉如此

甯戚之欲仕也 女世說 管子注水魚喻人配偶甯

有從饒之思

衛有惡人曰哀駘它婦人見之請於父母曰與爲人

妻寧爲夫子妾者數十而未止也

莊子

蘧氏之女爲僖子之妾納泉邱女以副助之

左傳

齊惠公妾曰蕭同叔子

小字錄

或問孔子有妾乎觀孔叅曰夫子妻不服綵妾不衣

帛然則孔子亦有妾矣

瑯琊夏衍

胡姬者齊景公之妾也

左傳注

春申君有妾曰余

補侍兒小名錄

隨清娛司馬遷侍妾趙之平原人年十七事遷遷遊
名山必以清娛自隨遷故亦憂傷尋故

褚遂良撰隨
清娛墓誌銘

石崇有妾曰仙娥娘名稱亞於綠珠

幽怪錄

齊陸厥中山王孺子妾歌曰未央才人中山孺子一

笑傾城再顧傾市

藝文類聚

杜秋娘金陵女子爲浙西觀察使李錡妾錡有陰謀
秋娘製詞隱諫云勸君莫惜金縷衣勸君須惜少年
時有花堪折直須折莫待無花空折枝

客座贊語

長安客有買妾者居數年忽爾不知所之一夜提人
首而至告其夫曰我爲父冤故至於此今報矣請歸
斷所生二子喉而去

唐國史補

東坡有數妾四五年相繼辭去獨朝雲者相隨南遷

朝雲姓王氏錢塘人

漁隱叢話

東坡有妾朝雲榴花朝雲死惟榴花獨存

耆舊續聞

范元實爲其妾紅鸞所困病傷寒殂

鐵圍山叢談

陳季常妾小字秀英東坡與季常書稱秀英君

容齋隨筆

王瓊奴者王中郎之幼女父死失身於趙奉常家爲

妾爲主母凌辱道出淮上書其事於驛壁

青瑣集

殷無美妾有句云妾有一夫君二婦一年夫壻半年

親

練水遺聞

張秀字惠中湖廣人獨居於汴與德州孫勣相唱和

遂歸孫爲妾時年六十五

古夫于亭雜錄

張蒼妻妾百數嘗孕者不復幸

漢書

黃巢平獻俘於朝僖宗宣問其姬妾曰汝等皆勳貴子女何爲從賊居首者曰狂賊凶逆國家以百萬之衆失守宗祧今陛下以不能拒賊責一女于置公卿將相於何地乎就刑神色肅然

女世說

李尙書道甫姬妾數十人道甫病革呼諸姬問我死誰當從我諸姬爭言願從死一姬最少美而艷獨無語衆譙讓之道甫既死此姬盛服靚粧坐篋側七日不食而死諸姬竟不能從

露山餘話

顏師古注漢書曰姬者周之姓貴於衆國之女所以

婦人美號皆稱姬焉左傳雖有姬姜無棄惟悼姜亦
大國女後乃謂姜爲姬信陵君賂如姬竊兵符奪晉
鄙軍如姬魏王幸姜也

事物紀原

左傳平公以同姓四人備嬪御鄆子產聘晉言於叔
向曰今君內實有四姬焉蓋指其不別同姓之醜非
目姜爲姬也按古婦人皆有字與諡或國名下繫其
姓先儒謂示不忘本且別他族今攷字下繫姓如周
女曰伯姬叔姬齊女曰孟姜季姜宋女曰孟季仲子
狄女曰叔隗季隗是也諡下繫姓如齊女曰宣姜莊
姜宋女曰穀子秦女曰懷嬴楚女曰文嬴杞女曰定

奴是也國下繫姓如秦女曰徐嬴苻嬴陳女曰息嬀之類是也漢史有諸姬薄姬愛姬臣瓚曰姬漢內官也秩比二千石在嬀好下師古謂漢內官無姬職姬者周姓貴稱也世例以目妾豈反賤乎

識遺

王霞卿才華清臆節行尤高一代名姬也韓偓聘爲妾嵩卒鄭殷義往謁之霞卿辭疾不見令輕綃持詩贈之鄭慚而去

侍兒小名錄

東坡嘗寫古木怪石書其後贈賈耘老云可令新倚葉收掌新荷葉賈侍姬也

東坡紀年錄

范石湖云朝士中殊麗有三傑謂韓元咎是伊介父

姬及趙彥博家姬小瓊也

齊東野語 近體詩 趙富文家姬小瓊詞

王仲和妹有小姬十輩執樂甚閑

江湖長翁集

葛無懷初爲僧後返初服居西湖有二侍姬一曰如

夢一曰如幻

癸辛雜識

袁榮襄公晝寢夢一美姬扶牀跪請曰妾備充李白

洲下陳今願侍相公帷幄袁夢覺異之召黃夫人語

焉旣而李以黨宸濠敗妻孥没入官及世廟賜榮襄

公女婢六人李姬與焉宛然夢中人也

見聞錄

裴休披毳衲於歌姬院持鉢乞食

北夢瑣言 雲谷 雜記曰東坡謝元

長老衲詩欲教乞食歌姬院故與雲山舊衲衣邵氏聞見錄未達坡意蓋未見北夢瑣言耳

韓熙載所得俸錢卽爲諸姬分去乃著衲衣負筐令門生執手板於諸姬院乞食以爲笑樂

南唐近事

陸展染白髮欲以媚側室

南史

郭元振夜行有宅宇燈燭但聞女子哭聲公問人耶鬼耶曰妾鄉有烏將軍能禍福每歲鄉人擇美女嫁焉父利鄉人之金潛以應選醉妾此室而去二更當來公大憤曰吾當救汝未久將軍至公取佩刀斫其腕斷之將軍失聲而走視其手乃猪蹄也俄聞哭聲漸近乃父母舁輿收屍公令鄉人尋血而行見大猪無前蹄已斃公捕其女爲側室

南唐近事

崇寧中有王生者入都嘗薄暮至延秋坊過一小宅
有女子甚美獨立於門若有所待者抵夜復過其宅
後適牆內擲一瓦出拾視之有字云夜於此相候生
以牆上剝粉戲書瓦背云三更後宜出也復擲之因
稍退伺之少頃有男子至周視地上無所見微嘆而
去至三鼓一女子開門出一老嫗負笥從後生就之
女愕然曰非也嫗亦曰非也將復入生挽而劫之曰
汝爲女子而夜與人期至此執汝詣官醜聲一出辱
汝門戶我邂逅遇汝亦有前緣不若從我去女泣而
從之生攜歸匿小樓中女自言曹氏父早死獨有己

一女母鍾愛之爲擇所歸女素悅姑之子某欲嫁之使乳媼達意於母母意以某無官弗從遂私約相奔牆下微嘆而去者當是也居數月生之父知之促歸局之別室女所齋甚厚坐食垂盡使人訪其母則以亡女故抑鬱而死久矣女不得已與媒謀下汴訪生所在至廣陵資盡不能進遂隸樂籍易姓名爲蘇媛生偶過廣陵女以娼侍酒生屢目之女捧觴不覺兩淚墮酒中生問何以至此女以本末告生媿嘆流涕遂密納女爲側室

清尊錄

劉婆惜樂人李四之妻也頗通文墨先與蘇州常推

官之子交好苦其夫間阻一日偕宿道事覺刻負愧

將之廣海經贛州全普菴納爲側室

修潔齋閒筆

陸伯麟側室育子陸象翁賀啓有深嗅得油鹽醬醋

之香句東坡婢詞揭起褰兒一陣油鹽醬醋香

綴耕錄

齊侯內嬖如夫人者六人

叙小志

嬖真子錄謂陶淵明有如夫人

靈福閒評

妾一名傍妻漢元后傳王禁多娶傍妻

天香樓偶得

枚乘孽子皐之母爲小妻乘東歸不肯隨乘

漢書

樂成王黨妻中山傅婢李羽生爲小妻

後漢書

張彭祖爲小妻所毒

東觀漢記

韃靼有妻名有妾名累十累百皆曰小妻

心史

章淵吳歌云阿耶歡自濃小妻也是妾

稿簡賢筆

劉子輿成帝下妻子也

漢書

小婦妾也

漢書

石崇妓墜樓而死後人因目妓侍爲墜子

事物紀原

司馬溫公未有子清河郡君爲置一妾婢盛飾送入

書房公畧不顧妾取一帙問曰中丞此是何書拱手

莊色曰此是尙書妾乃逡巡而退

翠屏筆談

溫公無子張夫人爲置一妾公未嘗盼睐一日張夫

人賞花去見婢靚粧就書院供茶溫公怫然曰今日

院君不在爾出來甚麼

出處錄

劉文光聘妾京師約後三年來娶女矢無他適酌酒
爲別贈詩曰玉手纖纖捧玉盃僊郎南去幾時回天
涯到處生芳草須記凌寒雪裏梅

稗史彙編

邊尙書貢繼娶胡氏通書識字邊致仕家居欲求姝
麗爲胡所沮有族弟偕客攜酒過邊酒酣舉令曰討
小老嫂惱客不能繼胡以片紙書相娘狂郎忙五字
於上曰何不以此對

山居解嘲

靳翁踰五十無子其夫人潛釵梳買隣女爲妾翁曰
此女幼時我曾提抱之不可以辱遂還其女踰年夫

人自妊生子爲賢宰相

座右編

查蓮坡夢雙鳳集屋榜各街金篆字一曰貞一曰福

後納二小姬名適與之同

吳樹山房集

楚莊王遊於雲夢蔡姬越姬從王約以生偕樂死同
時蔡姬誥之越姬曰王以東帛乘馬取婢子於弊邑
不約死後王疾有赤雲夾日如飛鳥占者言應害王
身或請移於將相王曰吾股眩也不聽越姬曰大哉
君王之德以是妾願從王矣妾死王之義不死王之
好也

女世說

楚莊王左抱鄭女右抱越女坐鐘鼓之間

楚書句元

孫亮有愛姬四人一名朝姝二名麗居三名潔華四

名洛寶

小名錄

桃葉歌者晉王子敬之所作也桃葉子敬妾名緣於
篤愛所以歌之

古今樂錄

吳均詩娼家小女名桃根桃根乃桃葉之妹王獻之
妾非娼家也

樵香小記

碧玉歌者宋汝南王之所作也碧玉汝南王妾名以
寵愛之甚所以歌之

樂苑

在窮記曰碧玉姓劉氏

崔陵寵妾馮氏長且姣家人號曰成母

北史

顏延之有愛姬非姬食不飽寢不安姬憑寵盪延之

墜牀至損于峻殺之延之痛哭忽見妾排屏風以壓
延之延之懼墜地因病卒

敘小志

齊公王縉爲妾造寶應寺宏麗無比今寺中釋梵天
女悉韓幹爲齊公妓小小等寫真也

南部新書

元載寵姬瑤英之母趙姬本岐王愛妾也後出爲薛
氏妻生女瑤英

續補侍兒小名錄

裴休性慕禪林潛令髮妾承事禪師

鑑戒錄

江陵士子遠遊愛姬爲太守所娶納於高麗坊邸及
歸寄詩云纖蘿自合依芳樹覆水寧思返舊杯惆悵
高麗坊邸宅春光無復下山來守蓬遺還

全唐詩話

蔡元長南還省有旨取其寵姬慕容邢武三人以金人

指名來索也元長詩云爲愛桃花三樹紅年年歲歲

惹東風如今去逐他人手誰復尊前念老翁

揮塵後錄

吳給事女敏慧工詩詞後歸陳子朝名儒也晚年惑

一妾緣此遂染風疾一日親戚來問吳同妾在側指

妾曰此風之始也

詩話舊承

韓玉汝有愛妾劉氏玉汝承旨出臨行劇飲過夕且

作詞留別翌日神宗密知詔爲般家追送之

石林詩話

王丞相有幸妾姓雷頗預政事納賄蔡公謂之雷尙

書

侍兒小名錄

韓侂胄愛妾張譚王陳四人皆知邵夫人

續資治通鑑 華岳

上書論侂胄之惡并詆程松之納妾倪傑售妹蘇師旦獻妻

侂胄所幸妾同甘苦者為三夫人號滿頭花新進者

四夫人至通官籍慈明常召入賜坐以示殊寵四夫

人即與慈明偶席慈明銜之迨韓為鄭發所制慈明

特旨令京尹杖四夫人而遣之

四朝聞見錄 厲氏族譜厲子飛娶韓女

原三夫人號滿頭花者為後妻

廬江王瑗寵姬亭亭本賈人妻有殊色瑗殺其夫而

納之瑗敗而姬入宮復侍文皇

亭亭敘錄

桓溫尚明帝女南康公主及溫平蜀以李勢妹為妾

嘗著別齋後主問與數十婢拔刀襲之正值李梳頭
髮垂委地姿顏端麗膚色玉曜不爲動容徐結髮歛
手向主言曰國破家亡無心至此今日若能見殺乃
是本懷神情閒正辭氣淒惋主擲刀前抱之曰阿子
我見爾亦憐何況老奴遂善遇之

妬記

一顯者常苦嫡庶不睦聞聲自內徹外偶一詞客來
謁值其內闈顯者欲借端亂其聽指所懸鳩鵲圖請
客賦之客曰鳩一聲兮鵲一聲鳩呼風雨鵲呼晴老
天却也難張主落雨不成晴不成

雪濤諧史

徐君蒨侍妾數千皆佩金翠曳羅綺服玩悉以金銀

時魚宏亦稱豪侈府中謠曰北路魚南路徐玉壺冰

宋子京雪夜修唐書添繡幕襲二椽燭熾炭兩巨爐
諸姬環侍方磨墨濡毫以澄心堂紙草一傳時諸姬
中有一人來自宗子家子京曰汝太尉遇此天氣如
何對曰此時但命妾等陳酒殽羅管絃引滿酣醉而
已不能爲尙書清事也子京點頭曰也自不惡乃閣
筆掩卷起索酒飲之幾達晨

詩休曲有舊聞各同此與陶穀妾姬事相類

兩山墨談已並載之

張子野晚年多愛姬東坡詩曰詩人老去鶯鶯在公
子歸來燕燕忙案牘有張君瑞遇崔氏女於蒲小名

鶯鶯漢童謠曰燕燕尾涎涎張公子時相見又張佑

妾名燕燕

野客叢書
賈妾

東坡集張子野年八十五尚

孫逢年妓妾曳綺羅者三百餘人晚年衰憊而舊好

不衰

雲過淡墨

李邦直與韓魏公書云玉梳金篋侍白髮翁幾欲淡

死矣玉梳金篋者邦直之侍姬也或問命名之意邦

直笑曰此俗云和尚置梳篋耳

墨莊漫錄

楊鐵崖晚年姬妾十數人曰桃葉曰柳枝曰瑯華曰

翠羽年既八十尚有弄瓦弄璋之事

煙霞小說

一士老納二寵托友命名友以忠奴孝奴名之其人

曰忠孝命婢不稱友曰孝當竭力忠則盡命

羅點問見第

王黼嘗病危二妾艷娥素娥侍疾坐於足素娥泣曰若內翰不諱我輩豈忍獨生艷娥亦泣徐曰生死有命姊宜自寬黼具問之既愈素娥專房封淑人艷娥遂辭去及黼誅素娥驚悸亦死

老學菴筆記

范十邛二女俱爲陸氏妾長曰鶯鶯寵甚早世次曰燕燕與羣妾等陸病且貧羣妾皆散燕燕獨不忍食貧十餘年陸死自嚮以葬

龜隱漫錄

趙碧澗老而益貧二妾方少艾慮無以安其心因遣之去咸弗肯嫁數獻肴酒致殷勤焉旣而各與其父

母俱至泣而言曰願執事終身爲尼以報主恩公遂
復留之公死果如所言

輟耕錄

韋陟常以侍妾爲書記掌五采箋分主報荅辭旨輕
重巧合陟意而書體道麗皆有楷法陟惟署名從來
受用姬妾風雅此爲第一

野航史話

董小宛歸冒辟疆後與辟疆日坐畫苑書園中撫桐
瑟賞茗香評品人物山水鑒別金石鼎彝間吟得句
與揮翰詩史必捧研席爲書之相得之樂兩人自謂
天壤間未之有也

螢芝集

林方伯五旬無子娶十四妾皆以妻妬死後又購一

妾不三日撻幾死女曰受撻惟此一次明日不受矣
妻大怒又撻女歸房妻亦逐入女忽閉門加刃於妻
頸曰吾爲十四命報冤殺汝反棒撻之無算妻急矢
天日再不撻女始解由是兩相歡

八閩志

一富宦無子妻極悍笞死婢妾數人一鄰家女白父
願嫁此宦父因達宦妾之至第三日妾方梳洗妻言
起遲上梯口喃喃罵妾覷其將至用脚一踢倒撞梯
下隨下樓坐其身上極撻罵詈且言我年少女子豈
嫁此老人只是一大宦家因你絕後我今撻死你替
你償命着他另娶言畢又撻婦求饒命且發誓任其

再娶宦亦懇求放起後女生二男

廣莫野語

柔柔姓陸氏歐陽夢桂之妾夢桂死柔柔母以女許嫁張酋母數說女柔柔掉頭不顧後出往佛寺焚香首見柔柔顏色妙麗欲得之心愈切卽與母謀將逼娶之柔柔遂自經於樓上

鄭思肖柔柔傳

李妹者長安女娼也年未笄母以售同州節度爲妾寵嬖專房以忤旨載之張侯別第張固狂淫者乘其理髮直前擁致之妹大呼啜泣走取佩刀將自刎婢媵奪救得止張恥且怒被酒挺刃突入偏之妹曰妹幼出賤流鬻身同州幸蒙怜愛許侍巾屨同州性嚴

思雖親子弟猶不得見妹之面偶因微譴暫托於君
侯不圖君侯見盡又以威脇妹寧以頸血汗君侯刀
願速斬妹頭送同州遂拱手就刃張羞愧流汗掖之
使起自是不復與戲妹竟縊死

筆查錄

張士誠兵敗謂妻劉氏曰我敗且死若曹奚爲劉曰
妾必不負君乃積薪齊星樓下驅羣妾侍女自盡縱
火焚之遂自縊也

齊明史樂府註亦見張羽所撰七
姬傳

蘇州汪君病癰移至園中養病月夜見數女子過袂
靚粧披帷而入汪君叩其何人荅云妾等七人皆張
王士誠之姬也昔年齊雲之變同日殉難上帝憐之

封爲七聖園中某處乃妾輩藏玉之所君能捨此園
爲妾輩香火疾可勿藥而愈汪君欣然願爲立廟諸
姬慰謝而去不旬日病果霍然遂捐金改造虔奉香
火卽其園名七聖院

述異記

七姬廟在賽金巷祀元左丞潘元紹妾程氏瞿氏徐
氏羅氏卞氏彭氏殷氏明太祖破蘇州七姬皆自經
死墓在郡城東北隅

蘇州府志亦見夷白齋外集

汪佛奴歌兒也姿色秀麗漢樂閒以中統鈔一千錠
娶爲妾一日桂花盛開漢置酒佛奴奉觴漢潛然墮
淚佛奴問故漢曰吾老矣非久於人世者汝宜善事

後人佛奴亦泣下誓無貳志既而濮死佛奴獨居尼
寺操行潔白以終其身

穀耕錄

晚翠寒香張方洲二姬名也方洲沒後其長女劉夫
人謂二姬年少當有別處二姬曰蒙先公取憐日久
雖死不足報況有他意哉遂焚香告天大慟互相落
髮以表其志

石田集 靜志居詩話曰張寧卒有二
婢子曰寒香晚翠剪髮自誓不下樓者

四十年有司以聞詔旌爲雙節

齊桓公好色嬖聽女口以妾爲妻遂致適庶數更

漢書

五行志

宋挺乃劉陶門人陶亡後取陶妾爲妻

晉書

杜佖以妾爲夫人

數小志

鄭光錕河中宣宗封其妾爲夫人不受

侯鯖錄

劉從諫妻裴氏有妾韋願封夫人詔至裴怒毀詔不與他日從諫會裴黨復出詔裴抵去曰自古不問側室封者君承朝廷姑息宜自黜削求洗濯願以婢爲夫人族不日滅矣從諫赧然而止

暇老齋雜記

劉光世請並封其三妾爲孺人南渡後諸大將封妾自此始

宋史

周宣王之妾曰女鳩欲通杜伯杜伯不可女鳩訴之曰杜伯竊與妾交宣王殺杜伯

冤魂志

王鈇帥番禺狼籍詔遣司諫韓璜往按之王妾故袋
塘妓曰無憂璜舊遊妾家吾能敗其守已璜至氣甚
高鈇強邀入別館妓於簾內歌璜昔所贈詞邀其滿
飲至再至三終不出璜心益急妾曰司諫昔善舞今
能爲妾舞一曲便出矣璜醉卽索舞衫塗抹粉墨跟
踰而起忽仆地亟命扶掖登舟昏然酣寢五更醒苦
衣衫拘糾索燭隨鏡羞汗無地解維去

女世說

杜大中自行伍爲將有愛妾才色俱美大中腹表皆
其所爲一日大中方寢妾至見几間紙筆頗佳乃製
臨江仙一闋有彩鳳隨鴛之語大中覺而視之云鴛

且打鳳於是掌其面至頂折而斃

今是堂手錄

沈詢在昭儀有賓友歌詞曰莫打南來雁從他向北
飛打時雙打取休使兩分離友歸而夫妻皆爲嬖妾
歸秦所殺

續補侍兒小名錄

一貴人畜妾頗多復於廣陵買楊氏女名貞慧年方
二八眞佳人也及至諸姬愠甚一姬爲貴人素所最
寵者反與之極歡未幾姬音啞而髮落殆盡寵復歸
素所愛倖者殊不知皆其以物害之也

見聞錄

京師婦女嫁外方人爲妻妾者過門信宿盜其所有
逃去名曰拏殃兒

菽園雜記

王虔仲嘗荒恣於色左右諫之虔仲乃開後閣驅諸
婢妾數十人任其所之

世說

白樂天妓樊素年二十餘綽綽有歌舞態善唱楊柳
枝樂天以已年高將放之適馬有名駱者亦同時議
鬻馬出門驥首反顧素聞馬嘶慘然泣拜曰駱將去
其鳴也哀素將去其辭也苦此人之情也豈主君獨
無情哉樂天慙默不能對

女世說

琴客宜城之愛妾也宜城老愛妾嫁

顧況琴客詩序

韓魏公有女樂二十餘輩一日盡厚遺之

韓魏公家傳

朝華姓邊氏少游納爲侍兒三年少游欲修真斷世

繹遂資以金帛而嫁之

聖朝遺錄

王荆公吳夫人用錢九十萬爲公買一妾公問之曰
妾之夫爲軍大將部米綱運失舟家貲沒猶不足又
賣妾以償公愀然送還其夫

皆退菴語存

沈詹事貶筠州售一妾處筠七年呼妾父母以女歸
之猶處子

談藪

開元中有苗氏女本宦族也失身爲妾於朝士臨行
作詩別其母云桃花飛盡馬塍春此日辭家淚滿巾
豈是比隣無嫁處千山萬水逐行人朝士知之厚給
資以嫁焉

浩然齋雅談

沈仲說妻鄒氏爲夫置一年少美貌之妾將以奉枕
席仲說詢其來歷泣而曰妾范復初女也仲說惻然
爲擇壻備奩具嫁之

輟耕錄

陸放翁宿驛館見題壁詩云玉堦蟋蟀鬧清夜金井
梧桐辭故枝一枕淒涼眠不得呼燈起作感秋詩詢
之驛卒女也遂納爲妾夫人妬逐之

隨隱漫錄

王百穀妾名青琴以婦妬出之一日妾遺素帨繡句
云侯門一入深如海從此蕭郎似路人王爲之感悼
賦詩八章託老嫗寄之而妾已自縊矣

本事詩

小青廣陵人名元元容態妙麗解聲律精諸伎年十

六歸武林生生婦如置之別館鬱鬱而死纔十八耳
支如僧小青傳 聞見卮言云武林生馮千秋也

荀攸卒種繇嫁其妾阿鶩使得善所

天中記

宋禕曾爲王大將軍妾後屬謝鎮西謝問禕我視王
何如曰王視君田舍貴人耳

枕上語

謝仁祖妾阿妃有國色謝死阿妃誓不嫁鄒曇設權
計得之阿妃終身不與曇言

何氏語林

謝秀才有妾縞練改從於人秀才引留之不得感憶
而已

侍兒小名錄

中丞楊公薨其妓眞珠攜粧奩數百萬出其第遂就

不逞之徒委身於萬通受爲妻

吟窓敘錄

韓康公有愛妾曰蟾奴康公身後家貲鉅萬妾盡攜

他適

過庭錄

韓退之二妾一曰絳桃一曰柳枝退之使山東有詩

云東風欲動別長安春半邊城特地寒不見園花與

巷柳馬頭惟有月團團蓋寄意二妹也逮歸柳枝踰

垣遁去又有詩云別來楊柳堦頭樹擺亂春風只欲

飛惟有小園桃李在留花不發待郎歸自是專寵絳

桃矣

唐語林

楊素後房婦女錦衣玉食千人李百藥夜入其室則

寵妾所召也素俱執於庭將斬之而意惜百藥曰聞
汝善爲文可作詩自敘當免汝死授以紙筆立就素
欣然以妾并資數十萬與之

隋唐嘉話

種世衡夜與慕恩飲出侍姬仕之旣而世衡入內潛
於壁隙窺之竊與侍姬戲世衡出掩之慕恩慚恐世
衡笑曰君欲之耶卽以遺之

涑水記聞

楊鎮姬粉兒絕色楊一日宴詹天游天游屬意於粉
兒口占一詞有不曾真個也消魂之句楊遂以粉兒
贈之曰天游今日真個消魂也

詩詞餘話

和士開使求平鑒愛妾阿劉卽與之仍謂人曰老夫

卷之二十一
失阿劉與死無異 北史

章莊以才名寓蜀蜀主王建羈留之莊有寵人資質
艷麗兼善詞翰建聞之托以教內人爲辭強莊奪去
莊追念悵怏作謁金門荷葉杯詞情意悽怨人相傳
播姬聞遂不食而卒 古今詞話

韋洵美受業都從事辟孥所寵素娥行羅紹威聞其
殊麗令女使齋三百元及生儀而露意焉洵美無所
容足遂獻之素娥姓崔氏大梁良家子善諧謔筆札
和淚作詩曰妾閉閒房君路岐妾心君恨雨依依魂
神倘遇巫娥伴猶逐朝雲暮雨歸洵美乃不受辟渡

河宿一寺長吁而寢曰何處人能報不平寺有行者
排闥而揖曰先輩畜何不平事洵美且語之歛然出
門而去至三更忽擲一皮囊入門乃貯素娥而至河
美卽遞跡他所

侍兒小名錄

嚴續相公歌姬唐鎬給事通犀帶皆一代尤物唐石
慕姬之色嚴有欲帶之心因呼盧之會出姬解帶較
勝負於一擲唐彩大勝唐乃酌酒命美人歌一曲以
別相公拉之而去相公悵然遺之

南唐近事

陳瓘之父尙書與潘良貴交甚密一日潘父自傷無
子陳父慨然以瓘生母借之未幾生良貴後其母遂

往來兩家一母生二名儒前所未有

女世說補

魏任城王曹彰偶逢駿馬愛之曰吾有美妾可換惟

君所選馬主因指一姬彰遂換之

獨異志

曹彰以美妾換白鵲馬後人作愛妾換馬詩

誠齋雜記

鮑生好蓄聲妓韋生好乘駿馬一日兩易所好乃以

女妓善四弦者換紫叱撥

異聞集

世傳韋鮑二生以妾換馬之事云韋生鮑生同憩水

閣鮑有美妾韋有良馬鮑以妾蘭小倩佐歡飲酣停

盃問馬韋曰能以人換任選殊尤鮑即密遣四弦盛

裝而至勸韋酒歌曰白露濕庭砌皓月臨前軒此時

去留恨含思獨無言又歌送鮑生酒云風塵荷珠雖
暫圓多生信有短如緣西橋今夜三更月還照離人
泣斷絃韋乃命牽紫叱撥酬之

唐詩紀事

齊琅瑯王奐使愛妾冶髭忽有烏銜黃梅過庭而墜
奐猜妾有密期擲果爲戲卽遣下堦笞殺之

冥祥記

徐藹得痲疾瀕死時見一白衣少婦曰君前生爲張
睢陽吾卽睢陽之妾君爲忠臣妾有何罪殺妾以饗
士卒吾尋君已十三世矣今甫得雪吾恨言訖婦不
見藹亦隨逝

池北偶談

景公嬖妾嬰子死公守之廝著於席而不去

晏子春秋

華譚妾石瑤華已死見形與之言語如平生

杞朴子

寇萊公有妾蒨桃隨南遷再移光州蒨桃泣曰妾將

去矣願葬杭州天竺寺公驚哀諾之桃曰妾前世師

事仙人頗知陰理公當爲地下問浮提王也

聊耶代醉編

黃子思愛妾宜哥客死舟中遺言葬堤下冀他日過

此得一見以慰孤魂子思從之

能改齋漫錄

敖姬杭之右姓也某孝廉攜之至姑蘇姬卒遺骸於

半塘吳中士人哀之爲買半畝地於鐵花巷畔擇日

將葬適有某別駕攜二妾之任亦相繼舍玉觀留公

辭中士人并放姬合墓之題曰香塚

太平清話

李雲求納一姬其母未許雲曰予誓不婚乃許之號
姬曰楚賓數年後姬卒經歲復聘沈氏及婚日雲浴
於淨室見楚賓執藥末徑前謂雲曰無物相奉贈君
香藥一貼以資沐浴寫藥入盆以釵攪水而去雲不
能出浴遂死肢體如綿筋骨並散

聞奇錄

陶楚生金陵名姬歸茅止生不三載而亡臨沒見羽
幢相迎曰爲西元洞主一時詞人賦詩哀挽名曰西
元洞志歲癸酉降於曹南王士龍之乩自述小傳係
瑤池西元洞八主之一名倩英

西元青鳥記

胡縉妾死十里外民家產一女生便言我胡家二室

也可喚我家人來胡往視之女與言前身舊事密敘委曲又言家有某物瘞某地胡遂取女歸從而發地悉得其貨因呼之爲前世娘

祝允明語怪

世祖至殷貴妃墓謂羣臣曰卿等哭貴妃若慟當加厚賞羊志遂號慟涕淚交橫他日有問羊者卿那得此副急淚羊曰吾爾日自哭亡妾耳

說願

張緯愛姬死猶子曙代爲詞有黃昏微雨畫簾垂之句緯見之哀慟曰此必阿灰作也

北夢瑣言

韋檢美姬卒檢追思痛悼悲怨可掬一日忽夢姬泣涕曰當有後期越數日果符夢兆

張君房脞說

劉偉明既喪愛妾而不能忘有詞云斷送一生憔悴

能消幾箇黃昏

復齋漫錄

珊珊黃雲孫侍姬也娟秀能文未嫁而卒同人作詩

悼之銜其集曰珊珊怨

前古詩話
珊姓周氏一名小珊

珊怨曰珊

珊珊戴溪黃夫人侍兒也夫人六袞初度雲孫以族

之猶子從而稱觴珊珊侍夫人出常粧便服膚雪髮

雲娟娟楚楚殆神仙中人雲孫驚異歸謀其婦湘夫

人湘夫人才而賢出私貲聘之未及娶孫北上被放

而歸珊珊已遘疾死矣

艾菴存稿

黃天濤悼其亡姬陸小雲作琴怨詩

迦陵文集

張和悼妾詩夜來書館寒威重誰送薰香半臂綾拘
晤言

宜都內人諫武后曰大家能屏去男妾獨立天下如
是男子益削女子益專李義山文集

秦良玉有左右男妾十餘人綴史

野紀謂女帥秦良玉有男妾數十人李吉士力辨其
誣靜志居詩話